

ŠTA JE OSIGURANJE DEPOZITA?

Osiguranje depozita je dio mreže financijske sigurnosti koja se uspostavlja sa ciljem zaštite deponentata i doprinosa očuvanju financijske stabilnosti. U Bosni i Hercegovini (BiH) sustavom osiguranja depozita upravlja neovisna, neprofitna institucija Agencija za osiguranje depozita BiH (AOD).

KAKO AOD ŠTITI OSIGURANE DEPONENTE?

U slučaju da Agencija za bankarstvo Republike Srpske ili Agencija za bankarstvo Federacije Bosne i Hercegovine (nadležne agencije za bankarstvo) oduzme dozvolu za rad banci AOD isplaćuje deponentima njihova sredstva.

KOJI SU DEPONENTI OSIGURANI?

Sustavom osiguranja depozita osigurani su depoziti fizičkih i pravnih osoba, osim onih koji su navedeni u okviru članka 6. Zakona o osiguranju depozita u bankama BiH i to: depoziti za koje je odlukom suda utvrđeno da su stečeni protuzakonitim radnjama i koji nisu predmet dalje žalbe; depoziti koji se drže na računima čiji naziv nije transparentan glede vlasništva ili nenominirani depoziti; depoziti koji se čuvaju u sefovima banaka; depoziti koji se čuvaju u aranžmanu pohranjivanja s bankom, osim namjenskih depozita; depoziti drugih domaćih ili stranih banaka koje drže u svoje ime i za svoj račun; depoziti domaćih ili stranih vladinih organa; depoziti domaćih i stranih osiguravajućih društava; depoziti domaćih i stranih organa za kolektivna ulaganja; depoziti domaćih i stranih mirovinskih fondova koji se ne smatraju vladinim organima; depoziti osoba u posebnom odnosu s bankom kako je definirano entitetskim zakonima o bankama; depoziti kompanija iste skupine kao i banka članica; depoziti koje je deponent stekao od iste banke članice prema stopama ili drugim financijskim ustupcima koji su mogli doprinijeti ugrožavanju

financijskog stanja banke članice; depoziti poduzeća koja mogu biti isključena iz pokrivača osiguranja nekim posebnim zakonom ili vladinim naputkom; dugovni vrijednosni papiri koje je izdala banka članica i sve druge obveze banke članice koje proizlaze iz takvih akceptnih naloga i mjenica; depoziti mikrokreditnih organizacija.

KOLIKI JE MAKSIMALAN IZNOS OSIGURANJA?

Maksimalan iznos depozita koji se osigurava je 50.000 KM po deponentu po banci, uključujući pripadajuću kamatu obračunatu do dana oduzimanja dozvole za rad banci.

DA LI SU OSIGURANI DEPOZITI MALODOBNIH OSOBA?

Da. Bez obzira da li su deponenti punoljetni ili malodobni oni su osigurani.

AKO U JEDNOJ BANCIMAM VIŠE RAČUNA DA LI SU SVI OSIGURANI?

Osiguranje depozita se ne određuje po temelju pojedinačnog računa već po deponentu. To znači da deponent ne može povećati osigurani iznos raspoređujući novčana sredstva na više računa u istoj banci.

MOGU LI POVEĆATI OSIGURANI IZNOS DEPOZITA DEPONUJUĆI NOVAC U VIŠE BANAKA?

Da. Depoziti jednog deponenta u različitim bankama su odvojeno osigurani, svaki do iznosa 50.000 KM.

ŠTA SE DEŠAVA AKO U BANCIMAM I KREDIT I DEPOZIT?

U slučaju da se banci oduzme dozvola za rad depozit se umanjuje za dugove koje deponent ima prema banci na dan kada joj je oduzeta dozvola za rad.

DA LI SU SREDSTVA OSIGURANA I AKO SU U STRANOJ VALUTI?

Da. Depoziti su osigurani bez obzira da li su u KM ili u stranoj valuti. U slučaju da se oduzme dozvola za rad Banci isplata novčanih sredstava deponentu se vrši u valuti KM. Ukoliko su sredstva u inozemnoj valuti ona se preračunavaju u KM, na temelju srednjeg deviznog kursa Centralne banke BiH na dan kada je oduzeta dozvola za rad Banci.

DA LI SU SREDSTVA OSIGURANA I STRANIM OSOBAMA?

Da. Osigurani su depoziti fizičkih i pravnih osoba bez obzira da li se radi o državljanima BiH ili inozemnim državljanima.

DA LI DEPONENT PLAĆA PREMIJU OSIGURANJA?

Ne. Premiju osiguranja plaćaju banke.

KAKO DA ZNAM DA JE BANCIMAM ODUZETA DOZVOLA ZA RAD?

Kada se banci oduzme dozvola za rad nadležna agencija za bankarstvo će zvanično objaviti takvu odluku. Preko sredstava javnog informiranja i zvaničnog sajta AOD deponenti će biti obaviješteni o svojim pravima i obvezama, izabranoj banci isplatitelju, te o mjestu i datumu početka isplate depozita.

KOJA JE PROCEDURA PODIZANJA OSIGURANOG DEPOZITA?

Ukoliko deponent ostvaruje pravo potraživanja po temelju osiguranog depozita od AOD će dobiti obavještenje o istom, kao i zahtjev za isplatu kojeg će popuniti i, uz prilaganje zakonskog dokaza vlasništva nad depozitom, sredstva će mu biti na raspolaganju. Odluka deponenta će biti da li će sredstva podići u gotovini ili će mu se prebaciti na račun neke druge Banke koju on izabere.

U KOM ROKU MOGU PODIĆI SVOJ OSIGURAN IZNOS?

AOD je dužna da deponentu najkasnije u roku od 20 radnih dana od dana oduzimanja dozvole za rad Banci stavi na raspolaganje njegova osigurana sredstva. Kao vlasnik osiguranog depozita deponent ima pravo da u roku od 5 godina od dana oduzimanja dozvole za rad Banci ostvari svoje pravo potraživanja po temelju osiguranog depozita.

DA LI NEKA DRUGA OSOBA MOŽE DA PODIGNE MOJ OSIGURAN DEPOZIT?

Osigurana sredstva mogu biti isplaćena drugoj osobi samo ako takva osoba ima validnu punomoć vlasnika osiguranog depozita koja se izdaje nakon što je Banci oduzeta dozvola za rad.

ŠTA SE DEŠAVA SA IZNOSOM DEPOZITA KOJI PRELAZI 50.000 KM?

Ukoliko deponent raspolaže sredstvima preko 50.000 KM razliku će potraživati od banke kojoj je oduzeta dozvola za rad i koja se nalazi u postupku likvidacije ili stečaja.



AGENCIJA ZA OSIGURANJE DEPOZITA
BOSNE I HERCEGOVINE

www.aod.ba

VODIČ
OSIGURANJA
DEPOZITA



AGENCIJA ZA OSIGURANJE DEPOZITA
BOSNE I HERCEGOVINE